

TEZĂUR LITURGIC
5 DECEMBRIE

ACATISTUL
SF. CUVIOS
SAVA
CEL SFINȚIT



MOSCOVA, 2000



Акафист

святому преподобному Савве Освященному

Кондак 1

Избранный чудотворче и предивный угодниче Христов, преподобне отче Савво, миру православному светильниче и теплый о нас пред Богом молитвенниче! Величаем прославльшаго тя Господа, восхваляюще любовью равноангельное житие твое. Ты же, яко имеяй велие дерзновение ко Господу, от всяких нас бед свободи, да с радостью зовем ти: Радуйся, пресветлая монахов похвало, Савво преподобне.

Икос 1

Ангелов Творец и всея твари Содетель избрания от младенства, преподобне, прославити трисиятельное имя Его: ты бо, осмилетен сый, вся красная мира тленного презрев, во обитель святую притекл еси, идеже яко ангел земный богоугодно подвизался еси. Темже и вселися в тя благодать Пресвятаго Духа, Егоже действием

свѣ́тло украша́ясь, анге́лоподобное жити́е
показа́л еси́. Мы же, зря́ще ве́лия испра́вления
твоя́, с любóвию вопи́ем тебѣ́ си́це:

Ра́дуйся, роди́телей благо́честивых
благослове́нный пло́де.

Ра́дуйся, Каппадо́кийския страны́ свято́е
украше́ние.

Ра́дуйся, Палести́нския земли́ и гра́да
Иерусали́ма свети́льниче.

Ра́дуйся, во Иорда́нстей пусты́ни со а́нгелы
всели́выйся.

Ра́дуйся, я́ко от младе́нства Христа́ возлюбил
еси́.

Ра́дуйся, я́ко же́ртву живу́ю себѣ́ Го́сподеви
прине́сл еси́.

Ра́дуйся, Ева́нгелия Христо́ва усер́дный
после́дователю.

Ра́дуйся, за́поведей Го́сподних ве́рный
блюсти́телю.

Ра́дуйся, я́ко от ю́ности и́гу Христо́ву себѣ́
порабо́тил еси́.

Ра́дуйся, я́ко красоту́ тле́нную и мирску́ю сла́-
дость ни во что́же вмени́л еси́.

Ра́дуйся, Бо́жия ра́зума испо́лненный.

Ра́дуйся, благода́тию Ду́ха Свята́го приосене́нный.

Ра́дуйся, пресвѣтлая мона́хов похвало́, Са́вво преподо́бне.

Кондак 2

Ви́дев Всеве́дец Госпо́дь благо́е ду́ши твоея́ произволе́ние, е́же рабо́тати Е́му усер́дно вся дни живота́ твоего́, е́ще во ю́ности просла́ви тя Боже́ственною Сво́ею си́лою: любве́ бо ра́ди бра́тския в разжже́нную печь вступив и оде́жды твоя́ неопале́нны сохрани́в, благода́тию Бо́жиею неврежде́н от огня́ пребы́л еси́. Сего́ ра́ди прославля́юще Царя́ сла́вы Христа́, прославля́ющаго святы́я Своя́, вопие́м Е́му: Аллилу́иа.

Икос 2

Ра́зум просвеще́н от Бо́га име́я, преподо́бне о́тче Са́вво, диа́вольския искуше́ния при́сно разумевáл еси́: егда́ бо преле́стник ро́да челове́ческаго искуси́ тя взя́ти плод дре́ва пре́жде ста́рческаго благослове́ния, а́бие помяну́л еси́ прароди́тели, и́же сне́дию дре́ва в ра́и прельсти́шася. Те́мже повер́г плод на зе́млю; нога́ми сей попра́л еси́, запове́дав себе́ до сме́р-

ти не вкусіти плода́ сего́, главу́ дрéвняго змíя сокруша́я. Сего́ ра́ди приими́ от нас похвалы́ сия́:

Ра́дуйся, от ю́ности по́стническое жити́е показавый.

Ра́дуйся, на высоту́ добродéтелей возше́дый.

Ра́дуйся, мона́шескаго жити́я и уста́ва и́стовое пра́вило.

Ра́дуйся, ре́вностный исполните́лю оте́ческих преда́ний.

Ра́дуйся, я́ко любве́ ра́ди брата́ в пе́щный пла́мень вшел еси́.

Ра́дуйся, я́ко си́лою благода́ти Христо́вы от огня́ не опале́н изше́л еси́.

Ра́дуйся, всеце́лое послуша́ние Го́споду Бо́гу совершивый.

Ра́дуйся, главу́ дрéвняго запина́теля сокрушивый.

Ра́дуйся, на высоту́ безстра́стия возше́дый.

Ра́дуйся, ко́зни де́монския до конца́ победи́вый.

Ра́дуйся, благо́е и́го Христо́во на рамена́ твоя́ восприя́вый.

Ра́дуйся, зако́на Бо́жия от всея́ ду́ши
взыска́вый.

Ра́дуйся, пресвѣтлая мона́хов похвало́, Са́вво
преподо́бне.

Кондак 3

Си́ла Вы́шняго, просвеща́ющая вся́каго чело-
вѣ́ка, гряду́щаго в мир, и показу́ющая пути́ пра́-
вья, наста́ви тя, преподо́бне о́тче Са́вво,
достигну́ти свята́го гра́да Иерусали́ма, иде́же
поклоня́ся еси́ Живоно́сному Грѣбу
Воскрѣсшаго Христа́, и со слеза́ми облобыза́в,
благодаре́ственно воспѣ́л еси́ Ему́ песнь: Алли-
лу́иа.

Икос 3

Име́я ве́лию ре́вность о по́двизе мона́шескаго
равноапѣ́стольнаго жити́я, преподо́бне,
потща́лся еси́ и́дти во Иорда́нскую пусты́ню,
иде́же наста́вника себе́ обрѣ́т вели́каго Евфимия
и то́го житию́ досто́йно поревнова́в, свято́му
Крестите́лю Христо́ву Иоа́нну в по́двизех твои́х
уподо́бился еси́. Мы же, дивя́щися бога́тству доб-
родѣ́телей твои́х, усѣ́рдно вопие́м ти:

Ра́дуйся, житию́ безплѣ́тных поревнова́вый.

Ра́дуйся, по́двигом дрéвних свята́х оте́ц
досто́йно подража́вый.

Ра́дуйся, пусты́ни Иорда́нския благода́тное
прозябе́ние.

Ра́дуйся, свята́го жити́я благоуха́ние.

Ра́дуйся, благода́ти Христо́вы сосу́де избра́н-
ный.

Ра́дуйся, пусты́нное жити́е па́че всего́ возлю-
би́вый.

Ра́дуйся, страсте́й те́рния усер́дно
исторга́вый.

Ра́дуйся, во ю́ном возрастé му́дростию Хри-
сто́вою просвеще́нный.

Ра́дуйся, чистоты́ душе́вныя и телесныя
усер́дный ревни́телю.

Ра́дуйся, у́мнаго трезвения́ неусы́пный храни́-
телю.

Ра́дуйся, ле́стницею добродете́лей к небесным
оби́телем возше́дый.

Ра́дуйся, я́ко фи́никс в пусты́ни процветы́й.

Ра́дуйся, пресвётлая мона́хов похвало́, Са́вво
преподо́бне.

Кондак 4

Бурю внутрь помыслов и страстей волны безбедно прешед, преподобне отче Савво, обрел еси тихое пристанище Христа, Емуже неленостно во мнозе долготерпении поработал еси; отнюдуже Божественною благодатию Христовою восходя от силы в силу, от деяния к боговидению, небснаго Сиона достигл еси, идеже со Ангелы поеши Троице Святей песнь: Аллилуиа.

Икос 4

Слышаще дивная твоя наставления, яже не точию в словесех, но и в подвизах твоих являл еси, прихождаху к тебе издалеча жаждущии спасения, подражати добродетелем твоим хотяще. Ты же, преподобне отче, мудро назидая и к Небесному Царствию управляя всех, верою притекающих к тебе, светильник Православия соделался еси. Сего ради с любовью вопием ти:

Радуйся, наставниче монахов Богомудрый.

Радуйся, овец христовых добрый пастырю.

Радуйся, ко спасению верный путеводителю.

Радуйся, постников дивный учителю.

Ра́дуйся, крѣпкое па́дающих возведе́ние.

Ра́дуйся, правосостоящих утвержде́ние.

Ра́дуйся, Ева́нгелия Христо́ва усѣрдный по-
слу́шателю.

Ра́дуйся, иноческаго жити́я до́брый наста́вни-
че.

Ра́дуйся, я́ко огнём моли́твы стрѣлы вра́жия
попали́л еси́.

Ра́дуйся, я́ко ещё во плóти съи́, райскую сла́-
дость предвкуси́л еси́.

Ра́дуйся, пусты́нный жителю и в телеси́ а́нге-
ле.

Ра́дуйся, вселѣнныя свети́льниче.

Ра́дуйся, пресвѣтлая мона́хов похвало́, Са́вво
преподо́бне.

Кондак 5

Боготѣчней звездѣ уподо́бился еси́, блаже́нне
Са́вво, смире́нием возвыша́емый и в го́рняя
черто́ги востеки́й, науча́я всех го́рняя
му́дрствовати, а не земна́я, от страсте́й
отреша́тися, со Христо́м жи́ти и от сердца́ вос-
пева́ти Ему́: Аллилу́иа.

Икос 5

Ви́девшѣ ты ученицы́ твоѣ на́ста́вника премудра и зна́мением небесны́я благода́ти сия́юща, дивля́хуся, тща́щеся твоѣму́ жити́ю подража́ти; я́ко бо луча́ свѣтлаго со́лнца пра́вды, просвети́ся жити́е твоѣ. Сего́ ра́ди слы́шиши от всех похва́льная пѣ́ния тако́вая:

Ра́дуйся, восточная звездó златозарнейшая.

Ра́дуйся, а́нгелов собесѣднице.

Ра́дуйся, по́стников похвало́.

Ра́дуйся, безмо́лвствующих сла́во.

Ра́дуйся, учи́телю смире́ния и целомудрия.

Ра́дуйся, о́бразе крото́сти и послуша́ния.

Ра́дуйся, я́ко во глубины́ нищеты́ духо́вныя при́никл еси́.

Ра́дуйся, я́ко на высотú добродетелей возше́л еси́.

Ра́дуйся, я́ко путь к животу́ вѣчному обрѣ́л еси́.

Ра́дуйся, я́ко исправлѣ́нии твоѣими безплóтныя удиви́л еси́.

Ра́дуйся, мно́жество душ уневе́стивый Хри-
сту́.

Ра́дуйся, кúпно с ними пребыва́яй в ра́дости
Го́спода твоего́.

Ра́дуйся, пресвѣтлая мона́хов похвало́, Са́вво
преподо́бне.

Кондак 6

Пропове́дник и исполните́ль Ева́нгельских
словѣс, е́же не скрыва́ти себѣ сокрови́щ на зем-
ли́, яви́лся еси́, преподо́бне о́тче Са́вво. Сего́ ра́-
ди и ча́да твоя́ духо́вная наставля́л еси́, е́же Еди́-
наго Го́спода иска́ти во вся дни жи́зни своея́,
всем се́рдцем Тому́ прилепля́тися и непреста́нно
пе́ти Ему́: Аллилу́иа.

Икос 6

Воссия́ свет Божѣственный, в но́щи моля́щуся
тебе́, преподо́бне, показу́я столпо́м о́гненным
пещѣру нерукотворѣну, ю́же храм соде́лал еси́, и
та́мо вели́кую ла́вру устро́ив, богоуго́дныя по́д-
виги и моли́твенныя труды́ показáл еси́. Мы же,
вели́чию благода́ти Вы́шняго, на тебе́ почи́вшия,
дивя́щеся, умилѣ́нно взыва́ем:

Ра́дуйся, я́ко видѣ́ния пренебе́снаго све́та
сподо́бился еси́.

Ра́дуйся, я́ко благоволе́нием Бо́жиим вели́кую ла́вру устро́ил еси́ и в ню́ мно́жество и́ноков собра́л еси́.

Ра́дуйся, духо́вныя о́вцы к го́рнему ца́рствию до́бре упра́вивый.

Ра́дуйся, мно́гая чудеса́ благода́тию Свята́го Ду́ха сотвори́вый.

Ра́дуйся, лени́выя подвигну́вый ре́вностными по́двиги твоего́ жития́ Христолюбиваго.

Ра́дуйся, печа́льных ско́рое утеше́ние.

Ра́дуйся, Ева́нгелия Христо́ва богому́дрый учи́телю.

Ра́дуйся, провозвэ́стниче путе́й Госпо́дних.

Ра́дуйся, вся во уме́ты вмени́вый, да Христа́ приобря́щеши.

Ра́дуйся, Христу́ невозврати́то послéдова́вый.

Ра́дуйся, благи́й и ве́рный ра́бе Христо́в.

Ра́дуйся, до́брый де́лателью виногра́да Христо́ва.

Ра́дуйся, пресвэ́тлая мона́хов похва́ло, Са́вво преподо́бне.

Кондак 7

Хотя́ ве́рен быти до конца́ Иису́су Христу́, Сы́ну Бо́жию, взёмшему грехи́ ми́ра, крото́сть, незло́бие, смире́ние в се́рдце твоём́ до́бре насади́л еси́, богоно́се о́тче Са́вво, и вся́кия ско́рби, укорёния и досаждёния ра́достно пре-терпе́л еси́, ве́дая, я́ко мно́гими скорбьми́ подо́баёт вни́ти в Ца́рствие Небе́сное. Сего́ ра́ди, несёнием креста́ Христо́ва и терпёнием скорбе́й, ещѐ на земли́ ду́шу твою́ во оби́тель Пресвяты́я Тро́ицы устро́ил еси́, Ейже ны́не предстоиши со А́нгелы и вопи́еши а́нгельскую́ песнь: Аллилу́иа.

Икос 7

Дивный войстину победоно́сец показа́лся еси́ на стра́сти плотскія́, богоблаже́нне; вся́ бо разжже́нныя стрѐлы лука́ваго постом́, бде́нием и слѐзными моли́твами угаси́л еси́. Те́мже вопи́ем тебе́ сицева́я:

Ра́дуйся, крест Христо́в на рамена́ твоя́ восприе́мый.

Ра́дуйся, крестом́ сим я́ко ле́ствицею на не́бо возше́дый.

Ра́дуйся, терпе́ния и незло́бия рачи́телю.

Ра́дуйся, иноков́ до́бре подви́зающих́ся
моли́твенный пред Бо́гом предста́телю.

Ра́дуйся, ве́ры Правосла́вныя мо́щный защи́т-
ниче.

Ра́дуйся, Небе́снаго Ца́рствия насле́днике.

Ра́дуйся, благода́тию Бо́жиею приосене́нный.

Ра́дуйся, я́ко о́браз страсте́й Христо́вых в
се́рдце твоём предписа́л еси́.

Ра́дуйся, све́том трисо́лнечным Святы́я
Тро́ицы озаре́нный.

Ра́дуйся, я́ко душе́вныма очы́ма при́сно Го́с-
пода созерца́л еси́.

Ра́дуйся, я́ко благода́тию Бо́жиею вся
провиде́л еси́.

Ра́дуйся, благода́тными чуде́сы́ жити́е твоё
озари́вый.

Ра́дуйся, пресве́тлая мона́хов похва́ло, Са́вво
преподо́бне.

Кондак 8

Стра́нника и пришельца́ помышля́л еси́ в себе́
быти в ми́ре сем, преблаже́нне о́тче Са́вво; те́м-
же гряду́щаго гра́да Иерусали́ма Небе́снаго
взыску́я, вся помышле́ния твоя́ к небеси́

непреста́нно возноси́л еси́, и, я́ко в тимпа́не, во умерщвлённом телеси́, сла́дце воспева́л еси́ победную́ песнь Христу́ Бо́гу: Аллилу́иа.

Икос 8

Весь о́блекся еси́ во ору́жия Бо́жия, преподо́бне; те́мже возмо́гл еси́ всю си́лу диа́волю низложити. Помози́ у́бо и нам, пребла́женне о́тче, моли́твами твои́ми избе́ти сетей вра́жиих, да благода́рственно зове́м тебе́ си́це:

Ра́дуйся, сто́лпе непрекло́нный терпе́ния.

Ра́дуйся, ревни́телю от ми́ра удале́ния.

Ра́дуйся, я́ко держа́вно плотски́я стра́сти низложи́л еси́.

Ра́дуйся, я́ко плоть твою́ ду́хови покорил еси́.

Ра́дуйся, я́ко во бде́нных моли́твах неосла́бно пребыва́л еси́.

Ра́дуйся, я́ко умерщвлёнием плóти безстра́стие стяжа́л еси́.

Ра́дуйся, я́ко вся́кое наслажде́ние земно́е возненави́дел еси́.

Ра́дуйся, я́ко те́сным и приско́рбным путе́м ходил еси́.

Ра́дуйся, я́ко я́звы Го́спода Иису́са Христа́ на
те́ле твоём носи́л еси́.

Ра́дуйся, я́ко си́лою креста́ Госпо́дня
де́монския ко́зни сокруши́л еси́.

Ра́дуйся, вы́шних иде́же Христо́с седе
одесну́ю Отца́ при́сно иска́вый.

Ра́дуйся, мы́сленным о́ком к невече́рнему све́-
ту Христу́ непреста́нно зри́вый.

Ра́дуйся, пресве́тлая мона́хов похвало́, Са́вво
преподо́бне.

Кондак 9

Вся́кое естество́ а́нгельское просла́ви тя и
Це́рковь восхвали́, преподо́бне о́тче Са́вво; ты бо
царя́ неправому́дрствующа и Севи́ровы
ересена́чальники проти́вля́юща Правосла́вней
Це́ркви небо́язненно обли́чил еси́ и, все духо́вное
во́инство Правосла́вия совокупи́в, е́ресь в ко́нec
низложи́л еси́, нас же всех во право́верии
утверди́в, научи́л еси́ единогла́сно воспева́ти
Триеди́ному Бо́гу: Аллилу́иа.

Икос 9

Вети́я многовеща́нныя недоуме́ют досто́йно
восхвали́ти тя, преблаже́нне; па́че бо естества́

человѣческаго подвизѣлся еси во вся дни живота твоего. Тѣмже чудесы Христос Бог тебе обогати, яко и зверие дивии повиновахуся и служаху тебе, во дни же глады молитвою твоею небо дождь даде на землю сушу. Сего ради, любовью подвижаеми, вопием тебе таковая:

Радуйся, Церкви Православныя похвало.

Радуйся, еретиков и всех противников православия обличителю.

Радуйся, яко людей увещати о истине Православия потщался еси.

Радуйся, за истину Православия многия труды и подвиги подъемый.

Радуйся, Православныя веры светило и утверждение.

Радуйся, пророком, апостолом и святителем сопричтенный.

Радуйся, царей православных покрове и защите.

Радуйся, христиан православных молитвенное ограждение.

Радуйся, еретических учений разорителю.

Радуйся, православных догматов уяснителю.

Ра́дуйся, всем подвижа́ющимсѧ о
Правосла́вии помо́щниче.

Ра́дуйся, па́стырей Правосла́вныя Цѣркве
споспѣшниче.

Ра́дуйся, пресвѣтлая мона́хов похвало́, Са́вво
преподо́бне.

Кондак 10

Спасти́ хотя́ мно́жество люде́й твои́м
попече́нием, премилосѣрдый Госпо́дь досто́йна
тя наста́вника избра́, преблаже́нне о́тче Са́вво;
мно́зи бо тобо́ю на путь спасе́ния наста́влени
бы́ша, и мно́ги оби́тели твои́м тща́нием
устро́ишася, в ни́хже науча́л еси́ немол́чно вос-
пева́ти Еди́ному Бо́гу: Аллилу́иа.

Икос 10

Стена́ твёрдая и крёпкое огражде́ние право-
сла́вных яви́лся еси́, преподо́бне, ходата́йством
бо твои́м мир Цѣркви Божией дарова́ся. Те́мже
мо́лим тя, преблаже́нне, бу́ди помо́щник во всех
ско́рбех и напа́стех и нам, к заступле́нию твоemú
прибега́ющим, да со умиле́нием вопие́м ти си́це:

Ра́дуйся, пусты́нниче, мирску́ю суету́
возненави́девый и Еди́наго Бо́га иска́вый.

Ра́дуйся, алтаря́ Господня́ служите́лю благого-
вѣйный.

Ра́дуйся, со всякимъ тща́ниемъ Госпо́ду
благоугожда́вый.

Ра́дуйся, пла́менную лю́бовь ко Христу́ яви́-
вый.

Ра́дуйся, мно́гия оби́тели созида́вый.

Ра́дуйся, мно́жество чадъ духо́вныхъ внутрь
собра́вый.

Ра́дуйся, во оскуде́нияхъ и лишѣ́нияхъ на Бо́га
упова́вый.

Ра́дуйся, ве́рою и упова́ниемъ изобѣ́лие плодо́в
земныхъ прие́мый.

Ра́дуйся, тезоименѣ́тыя тебѣ́ оби́тели стра́же
неусы́пный.

Ра́дуйся, в беда́хъ, напа́стехъ и ско́рбехъ помо́щ-
ниче неотсту́пный.

Ра́дуйся, ино́ковъ ко спасѣ́нию до́брый
путево́дителью.

Ра́дуйся, многомо́щный моли́твенниче о ду-
ша́хъ нашихъ.

Ра́дуйся, пресвѣ́тлая мона́ховъ похва́ло, Са́вво
преподо́бне.

Кондак 11

Пѣние хвалѣбное приносим тебѣ, преподобне отче Савво, и с любовью припадающе ко изображенію честнаго лика твоего, восхваляем ангелоподобное житіе твоѣ. Ты же, предстоя престолу Пресвятыя Троицы, не престай моляся о нас, ублажающих тя, да сподобимся небеснаго селенія достигнути и гласом радованія воспѣти Богу ангельскую песнь: Аллилуиа.

Икос 11

Светозарный светильник Божія благодати был еси, преблаженне, сего ради в смертном успеніи твоѣм душа твоя, яко солнце сияющая, вознесена бысть святыми ангелы в небесныя обители. Мы же, поминающе твою блаженную кончину и на небеси прославление, радостно вопиѣм ти:

Радуйся, угодниче Божий, течение твоея жизни благочестно скончавый.

Радуйся, веру, надежду и любовь до конца сохранивый.

Радуйся, яко царство и славу вечную наследовал еси.

Ра́дуйся, я́ко по труде́х жити́я земна́го в не-
бе́сных селе́ниях водвори́лся еси́.

Ра́дуйся, нетле́нным венце́м сла́вы небе́сных
от ру́ки Вседержи́теля увенча́нный.

Ра́дуйся, блаже́нство райское со все́ми святы́-
ми восприе́мый.

Ра́дуйся, а́нгеле земны́й и челове́че небе́сный.

Ра́дуйся, на небеси́ и на земли́ от Го́спода
просла́вленный.

Ра́дуйся, живонóсный исто́чнице, благода́ть
исцеле́ния излива́яй.

Ра́дуйся, одержи́мых недуги́ благода́тию Бо́-
жиею исцеля́яй.

Ра́дуйся, я́ко с высоты́ небе́сных на нас (и
обите́ль твою́) призира́еши.

Ра́дуйся, я́ко всех нас от напа́стей
сохраня́еши.

Ра́дуйся, пресве́тлая мона́хов похвало́, Са́вво
преподóбне.

Кондак 12

Благода́ть и ве́лие твоё дерзнове́ние пред Бо́-
гом ве́дуще, богоно́сне о́тче Са́вво, усер́дно во-
пи́ем тебе́: не преста́й моля́ся те́пле ко Го́споду,

да сохранит святую Церковь Свою непозыблему от неверия, ересей и раскола, да избавит нас от бед и лютых обстояний и приведет в Царствие Своё Небёсное, яко да поём со благодарением тобою благодёющему нам дивному во святых Богу: Аллилуиа.

Икос 12

Поюще прославльшаго тя Господа и ублажающе тя, преблаженне отче, прилежно молимся тебе, еже сподобитися и нам ходатайством твоим неосужденно предстати Страшному Судищу Христову, да с радостью и любовью воспоминающе твоё молитвенное о нас пред Богом предстательство, благохвально зовём тебе сице:

Радуйся, пречестное селение Пресвятыя Троицы.

Радуйся, избранное Святаго Духа жилище.

Радуйся, сияние незаходямаго Солнца.

Радуйся, лучами подвигов твоих монашеское житие озаряяй.

Радуйся, достойный Ангелов собеседниче.

Радуйся, мучеников и преподобных на небеси сожителю.

Ра́дуйся, я́ко мзда твоя́ мно́га на небеси́.

Ра́дуйся, Це́ркви Правосла́вныя украше́ние.

Ра́дуйся, в беда́х су́щим ско́рое вспомо́жение.

Ра́дуйся, те́плый пред Го́сподем о нас моли́твенниче.

Ра́дуйся, при́сный ино́ков помо́щниче и засту́пниче.

Ра́дуйся, пресве́тлая мона́хов похвало́, Са́вво преподо́бне.

Кондак 13

О вели́кий и дивный уго́дниче Хри́стов, преподо́бне о́тче Са́вво! Приими́ ми́лостивно сие́ ма́лое моле́ние, от усер́дия на́шего в похвалу́ тебе́ приносимо́е, и твои́м моли́твенным предста́тельством у престо́ла Царя́ Небе́снаго испроси́ нам, е́же изба́виться в жи́зни сей от всех бед и напа́стей, в сме́ртнем же успе́нии на́шем благо́ю часть спасе́ния и насле́дие ве́чных благ получи́ти, я́ко да сподо́бимся с тобо́ю и со все́ми святы́ми в ра́дости ве́чной во ве́ки воспева́ти Хри́сту́ Бо́гу Спаси́телю на́шему: Аллилу́иа.

(Этот кондак читается трижды, зате́м икос 1 и кондак 1).

Моли́тва

О предивный и всехвальный угодниче Божий, преподобне отче Савво! Днесь (во святем храме твоём) благоговейно предстояще пред святою иконою твоєю и радостно совершающе пресветлую память твою, ублажаем тя заступника нашего. Почитающе же твоё велие дерзновение пред Господем, смиренно молим тя, преблаженне: прими милостивно от нас хвалённое пение сие, от любви и усердия тебе приносимое. И, яко имеяй велие дерзновение ко Господу, потщися богоприятным твоим ходатайством испросити у Царя царствующих и Господа господствующих, яко да пробавит великия и богатия милости Своя на нас грешных, да подаст нам дух правыя веры, дух ведения и любви, дух мира и радости о Дусе Святе, да избавит от бед и напастей, да низпослет вся полезная ко спасению душ наших. Всем же православным да низпослет мир, тишину, безмятежие, усердие ко исполнению заповедей его, изобилие плодов земных, и да избавит всю русскую страну от глады, труса, потопа, огня, меча, нашествия иноплемённых и междоусобных брани, смертоносных язвы и от всякаго зла. Ей, угодниче Божий! Не презри молений наших, но услыши нас моля-

щихся тебе, и под кровом заступления твоего сохрани нас (и обитель твою) ненаветны от враг видимых и невидимых, да сподобимся скончати житие наше в покаянии и восприимем вечная благая во Царствии Христа Бога нашего, идеже восхвалим с тобою и всеми святыми достопоклоняемое имя Пресвятыя Троицы, Отца и Сына и Святаго Духа, во веки веков. Аминь.

